

Фиқх дарслари (220-дарс) нафл намози



19:00 / 02.03.2023 5682

«Нафл» сўзи луғатда «зиёда» деган маънони англатади.

Шариатда фарз, вожиб ва суннат бўлмаган фазилатли амални «нафл» дейилади. Расулуллоҳ соллаллоҳу алайҳи васаллам нафл намозларни гоҳида ўқиганлар, гоҳида ўқимаганлар.

Бир салом билан кундузи тўрт, кечаси саккиз ракъатдан зиёд нафл макруҳдир.

Чунки бундан ортиқчаси суннатда келмаган. Агар макруҳ бўлмаганида, Пайғамбар соллаллоҳу алайҳи васаллам ҳеч бўлмаса бирор марта мазкур ададлардан зиёдини ўқир эдилар.

Иккисида ҳам тўрт ракъат афзалдир.

نَمْحَّر لِدْبَعِ نُبَّةٍ مَلَسَ يَبَا نَع
يَضَرَّ شَيْءٌ لَأَسُّهُنَا، هَرَبُخَا هُنَا
هُةَالَصُتْنَاكَ فِيكَ :َاهُنَعُ هَلْ لَا
هِيَلَعُ هَلْ لَا يَلَصُ هَلْ لَا لُوسَر
أَمْ :تَلْأَقَفْ ؟ نَأْضَمَرِي فَمَلَسَو
يَفُ دِي زِي □ هَلْ لَا لُوسَر نَأْكَ
يَذْحِإِ يَلَعِ هِرْيَغِ يَفِ أَلَوَ نَأْضَمَر
أَلَفِ أَعْبُرَا يَلَصِي، هَعُكَرَةَ رَشَع
مُتْ، نِهَلْ وُطُو نِهِنْسُحُ نَعُ لَسَات
نَعُ لَسَات أَلَفِ أَعْبُرَا يَلَصِي
يَلَصِي مُتْ، نِهَلْ وُطُو نِهِنْسُحُ
أَي :تَلْأَقَفْ :هُةَشَيْءٌ تَلْأَقُ، أَثْأَلْث
نَأْ لُبَقُ مَأْنَتَا، هَلْ لَا لُوسَر
نَأْ هَشَيْءٌ أَي :لْأَقَفْ ؟ رَتُوتْ
يِبَلَقُ مَأْنِي أَلَوَ نَأْمَأْنَتُ يَنْيَعُ

رَسُوْلُ اللهِ عَلَيْهِ السَّلَامُ

Абу Салама ибн Абдурраҳмондан ривоят қилинади:

«У киши Оиша розияллоҳу анҳодан:

«Расулуллоҳ соллаллоҳу алайҳи васалламнинг Рамазондаги намозлари қандай бўлган?» деб сўради.

«Расулуллоҳ соллаллоҳу алайҳи васаллам Рамазонда ҳам, ундан бошқа пайтда ҳам ўн бир ракъатдан зиёда қилмас эдилар. Аввал тўрт ракъат ўқирдилар. Уларнинг гўзаллиги ва узунлигини асти сўрама. Кейин яна тўрт ракъат ўқир эдилар. Уларнинг гўзаллиги ва узунлигини асти сўрама. Сўнгра уч ракъат ўқир эдилар. Мен:

«Эй Аллоҳнинг Расули, витр ўқишдан олдин ухлайсизми?» дедим. У зот:

«Эй Оиша, албатта, менинг кўзларим ухлар, қалбим ухламас», дедилар», деди».

Бешовлари ривоят қилишган.

«Кифоя» китобининг биринчи жузи асосида тайёрланди